



Universitätsbibliothek Paderborn

Qvæstiones Morales Selectiores De Lege Interna Et Externa

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

[De Lege Interna]

Beati, Gabriele

Augustæ Vindelicorum, 1729

VD18 90108957

42 An metus gravis, Legis naturalis violationem impedit.

urn:nbn:de:hbz:466:1-39908

Q V A E S T I O X L I I .

An Metus grauis, legis naturalis violationem impediatur.

C A S V S .

DVM Turcæ, cum Christianis bellum gerent; Fideles quidam, in eorum triremibus captiui, & remigare, & arma ab eis ad Christianos occidendos petita, suppeditare recusarunt; Turcæ tamen, & verberibus, & minis eos ad vtrumque coegerunt; Quæritur; an Fideles, & remigando, & arma suppeditando, mortaliter peccauerint,

S U M M A R I V M .

- 3 Fideles Captiui, arma Turcis suppeditando, videntur mortaliter peccasse.
- 4 Cooperari enim alterius morti videtur intrinsecè malum.
- 6 Non minus, quam blasphemare.
- 7 Opponitur precepto negatiuo, vt blasphemia.
- 8 Et sicut occiso directa Innocentis.
- 9 Quot modis, operatio, possit esse intrinsecè mala.
- 10 Quot modis, Proximi malo cooperari quis possit.
- 11 Fideles Captiui, arma Turcis suppeditando, non peccarunt.
- 12 Suppeditatio illa, de se, non est intrinsecè mala.
- 13 Posito metu, non est cooperatio voluntaria ad malum.
- 14 Sicut Eucharistie ministratio, occulto Peccatori publicè potenti, ex iusta causa, licet.
- 15 Et petitio mutui ab Vsurario.
- 16 Armorum suppeditatio est cooperatio solum materialis.
- 17 Quæ, non est intrinsecè mala.

18 Sicut est formalis.

19 Quæ opponitur precepto negatiuo.

20 Occiso, est essentialiter cooperatio formalis.

21 Quæ actiones, ratione metus, à peccato excusentur.

23 An excusat reuelatio secreti.

24 Et Sacramentorum confectio in materia dubia.

25 Et ignis delatio, & applicatio ad dominum comburendam.

R A T I O N E S D V B I T A N D I .

SIc dantur aliqua præcepta Diuina positiva, quæ obligant solum humano modo; hoc est; quando sine graui incommmodo, impleri possunt; Ita dantur etiam aliqua Naturalia. De his ergo solum queritur; An ab eorum transgressione, Meus grauis excusat; Nam à transgressione aliorum, certum est, non excusat.

Aliqui autem putant, Metum, quantumuis grauem, neque ab horum violatione excusare; ideoque Fideles captiuos, quamvis metu mortis compulso, &

F f 2 remi-

remigando, & arma Turcis suppeditando, mortaliter peccasse. Ita *Nauar.* c. 27. sum. n. 63. *Tolet.* c. 24. sum. excam. 5. infi-
ne. *Sayr.* de censur. lib. 3. c. 7. nu. 8. *Suar.*
to. 5. in 3. p. d. 21. f. 2. *Comitol.* lib. 5. qu.
8. *Beia* p. 2. casu 24.

4. Primò; Quia, quamvis metu mortis, & ad vitæ conseruationem hoc fecerint, alias à Turcis occidendi; hoc tamen sufficere non videtur, ad eos à mortali excusandos; Nam arma Turcis porrigoendo, verè Christianorum occisioni, ac captiuitati cooperati sunt; Cooperatio autem ad iniustam occisionem, vel captiuitatem, cum sit actio intrinsecè mala, nullo mortis metu excusari potest à mortali.

5. Secundò; Quia, quamvis remigatio, & armorum porrectio, secundum se, & abstracte considerata, sint operationes indifferentes; considerata tamen in talibus circumstantijs, siue prout hic, & nunc fiunt, sunt verae cooperationes ad actus iniustos; sunt enim auxilium necessarium, vel utile, Turcis exhibitum ad eorum iniustias exercendas. Cooperatio autem, ad malum, cum sit intrinsecè mala, nullo mortis metu fieri potest licita. Ergo Christiani, in Turcarum Triremibus, has actiones exercentes, à mortali excusari non possunt.

6. Tertiò; Quia non minus est intrinsecè malum, cooperari malo, quam mentiri, vel blasphemare, aut fornicari; Sicut enim hæc, ideo sunt intrinsecè mala, quia non sunt mala, quia prohibita, sed sunt prohibita quia mala; Ita cooperari malo, non est malum, quia prohibitum, sed potius prohibitum, quia malum. Sed mentiri, aut blasphemare, neque ex

metu mortis, & ad vitæ conseruationem, vñquam licet; Ergo neque licebit ad saluandam vitam, actui iniusto, ac peccaminoso cooperari. Cum ergo Christianorum occisio, ac captiuitas, sint actiones iniustæ, neque ad saluandam vitam, potuit Christianis captiuis esse licitum, illis cooperari.

Quartò; Quia, non minus cooperatio ad malum, opponitur præcepto naturali negatiuo, quam mendacium, vel fornicatio; Sicut enim dicitur; *Non mentieris, non mechaberis &c.* ita dicitur; *non cooperaberis peccato, siue ruine spirituali proximi tui.* Ergo cooperatio ad mortem iniustum Christianorum, non minus est intrinsecè mala, quam fornicatio; Ideo enim fornicatio est intrinsecè mala, quia opponitur præcepto naturali negatiuo; vel saltē eius malitia intrinseca ex eo colligitur. Sed etiam cooperatio ad malum, opponitur præcepto naturali negatiuo charitatis. Ergo hac etiam, erit intrinsecè mala; Ideoque, ex nullo titulo, vñquam licita; Hinc enim est, quod præcepta naturalia negatiua, dicantur obligare semper, & ad semper, quia, cum prohibeant actiones intrinsecè malas, illas absoluē prohibent, in quacunque circumstantia, etiamsi mortis periculum immineat. Quamvis ergo, Christiani captiui, metu mortis coacti, arma Turcis porrexerint, ad Christianos iniuste occidendos, non propterea excusari possunt à mortali.

Quinto; Quia, si Christiani captiui, in Turcarum Triremibus existentes, quamvis metu mortis tormenta bellica, contra Christianos in bello pugnantes,

ex-

explosissent, certè mortaliter peccassent, quia, ex nullo mortis metu, licet directè, & per se, innocentem occidere. Ergo similiter, quamvis metu mortis, arma Turcis contra Christianos porrexerint, mortaliter peccarunt; quia sicut ex nullo mortis metu licet, innocentem occidere; ita ex nullo mortis metu licet, eius morti cooperari.

NOTABILIA.

Aduerendum est primò; Dupliciter posse operationem aliquam, dici intrinsecè malam; primò ex eo, quod secundum se, absolvit, & sine ullo respectu ad aliquid extrinsecum, sit talis. Et hæc, ita est mala, ut nullà concessione, nullo fine, nullà additâ circumstantiâ, fieri vñquam possit bona; Cum enim eius malitia, ex illius substantia, & essentia secundum se considerata, oriatur; sicut essentia, aut substantia, per nullam circumstantiam tollitur, aut mutatur; Ita, per nullam circumstantiam, tollitur, vel mutatur, eius malitia. Huiusmodi autem sunt; Mendacium, blasphemia, idolatria, & similia; Cum enim, tota malitia blasphemiarum, consistat in hoc, quod sit dictum aliquod contra Deum; & idolatria, ut sit cultus creaturarum pro Deo. Et Mendacij, ut sit dictum contra mentem: Quæcumque circumstantia addatur huic dicto contra Deum, nunquam mutabitur malitia blasphemiarum, quia semper remanebit essentia blasphemiarum, in quâ fundatur eius malitia. Secundò; Dici potest operatio intrinsecè mala, non absolvit, & secundum se, sed solum respectuè, vel per ordinem ad aliquem finem extrinse-

cum malum, ad quem hic & nunc, ordinatur; vel ratione alicuius circumstantiæ mala, cum quâ coniungitur; Et hæc, ita est mala, ut tamen fieri possit non mala, immo etiam bona; Cum enim, circumstantia illa, quæ ex parte operationis, & obiecti, est necessaria, ut malitia confurgatur, aut Dei voluntate, aut aliâ ratione mutari possit, ipsâ operationis substantiâ permanente, tolli consequenter à tali operatione potest malitia, per mutationem talis circumstantiæ. Huiusmodi autem sunt; acceptio rei alienæ, iniuncto Domino; Occisio innocentis; abscissio manus; & similes. Si enim Deus, alicui concederet, rem alterius accipere; per hanc concessionem, iam tolleretur circumstantia ad furtum necessaria; quia res illa, à Deo, rerum omnium absolutissimo Domino concessa, iam non esset amplius aliena, quod tamen ad furtum necessariò requiritur. Similiter, quia ad hoc, ut occisio hominis, priuata auctoritate, sit iure naturæ, & ex obiecto mala, requiritur ut non sit ad propriam defensionem; Ideo, si quis, Invalorem propriâ auctoritate, ad sui defensionem occidat, quia mutatur circumstantia, non peccat. Denique, quia, ad hoc, ut absindere sibi manum, sit ex obiecto malum, debet esse cum eâ circumstantia, ut non sit ad totius conservationem; Ideo, ad mortem evadendam, licitum est, sibi manum absindere, quia tollitur circumstantia, quæ ad abscissionis malitiam, erat necessariò requisita; bonum enim partis, necessario est ordinatum ab bonum totius, ideoque huic postponendum, sicut bonum priuatum, bono communi.

Ff 37. mulier Ad.

10 Aduertendum est secundò; Dupliciter posse aliquem Proximi malo, vel temporali, vel spirituali cooperari; scilicet, vel per actionem determinatam ad illud malum, & illius inducituam; vel per actionem, ex se, indifferentem, sed quæ hic, & nunc ab Agente principali applicatur, & extrinsecè ordinatur, tanquam medium ad illud malum. Dupliciter enim potest quis ad alterius occasionem cooperari, vel simul cum homicida occidendo, vel puluerem tormentarium, aut fustem, aut gladium ministrando. Primo modo, nunquam licet malo cooperari, etiam si mortis periculum alijs immineat, quia est cooperatio formalis; & actio intrinsecè mala. Secundo modo, aliquando, ex iusta causâ, licet; quia est cooperatio solùm materialis, imo potius mali permisso, quam cooperatio ad illud; Hæc autem, ex iusta causâ, licet; neque enim ex charitate, proximi malum, etiam cum vita periculo, impedire tenetur, sed solùm, cum sine graui nostro incommodo possimus; licet teneamus etiam cum vita periculo, proximi malum non procurare, illique positiù, & formaliter non cooperari. Tria autem necessariò requiruntur, ut cooperatio materialis ad alterius malum, sit licita; primò, ut actio, quæ ponitur, ex se, ad illud malum non sit determinata sed indifferentis, sicut gladij ministratio non est ex se determinata ad occasionem; potest enim quis gladio, etiam ad alium finem, quam ad occidendum vti. Secundò, ut ponatur, non temere, sed ex aliquà iusta causâ, vt, sit ministrans, esset famulus, & gladium ministraret, ne à Domino ei ciceretur. Tertiò denique, ut proximi malum, vel impediti non possit,

vel saltem illud quis impedire non teneatur, sed possit permettere. Seruus enim Homicidæ, homicidium impedire cum graui suo detimento, ac incommodo, non tenetur. His positis,

RESOLVTIO.

AD Casum respondetur; Christianos, 11 in Turcarum tricribus captiuos, metu mortis, remigando, & arma ad Christianos occidendos porrigo, mortaliter non peccasse. *Vasq. opusc. de scand. art. 8. dub. 7. Sanch. lib. 9. matr. d. 31. in fine, & lib. 1. sum. cap. 7. num. 18. Reginald. tom. 2. lib. 21. num. 119. Azor. tom. 1. lib. 2. c. 17. quest. 6. & lib. 8. c. 23. q. 17. Layman. lib. 2. tract. 3. c. 13. n. 5. Filliuc. tom. 2. tr. 22. c. 5. num. 147. P. Nauar. lib. 3. de rest. c. 4. num. 62. Reb. bell. tom. 1. de oblig. p. 1. lib. 2. de rest. quest. 14. s. 7. *Aquila de cens. p. 2. c. 6. d. 8. d. 5. c. 3.* & alij communiter.*

Primò; Quia remigatio illa, de se, 12 non erat intrinsecè, & absolute mala, sed indifferentis; erat enim delatio tricribis per male, quâ Turcæ, benè, & malè vi poterant; Et quod de facto male, & in Christianorum perniciem vni sint, ortum est merè ex ipsorum malitia. Ergo nulla est ratio, cur Fideles captivi, ad salvandam vitam, illam ponere licite non potuerint; illam enim ponendo, non cooperati sunt formaliter, sed solùm materialiter damno Christianorum quatenus posuerunt aliquid, ex quo, præter illorum voluntatem, ex sola Turcarum malitia, sequutum est illud damnum, quod ipsi, tanto suo incommodo, impedire non tenebantur.

Se-



13 Secundò; Quia remigatio illa, in tantum fuit mala, in quantum fuit cooperatio voluntaria ad damnum Christianorum, nullam enim aliam malitiam habere potuit, quam voluntariae cooperationis. Sed, quando metu mortis ponitur, iam non censetur amplius cooperatio voluntaria ad damnum Christianorum; iam enim non tenebantur amplius, tale damnum impedire, quod tamen necessariò requiritur, ut damnum illud, respectu ipsorum dici possit voluntarium; Cum Deo non dicantur voluntaria peccata nostra, quamuis ad illa nobiscum physicè concurrat; solum quia illa impedire non tenetur. Ergo remigatio, metu mortis ab illis posita, non fuit mala, quamuis ex ipsa, per accidens, & præter intentionem Fidelium captiuorum secuta sit occisio, & captiuitas Christianorum; fuit enim tunc mera permissio illius damni, quæ, ex iusta causâ, estlicita; sicut Deo estlicita permissio peccati, cum tunc non tenerentur cum tanto incommmodo, ac viitate periculo, damnum illud impedire, sicut Deus peccata nostra impedire non tenetur.

14 Tertiò; Quia potest Parochus, sine viliâ culpâ, imo debet, peccatori occulto, publice petenti, Eucharistiam ministrare, quamvis eius indignitatem, vel priuatim, vel ex confessione sciat; si enim illi Eucharistiam publice negaret, vel eum infamaret, vel eius Confessionem reuelaret; Ergo à fortiori, potuerunt Fideles captiui, metu mortis in Turcarum tremibus remigare, quamvis scirent, illam remigationem Christianis per accidens fore nocuam. Non minus enim remigatio, de se, est aliquid in-

differens, quam ministratio Eucharistiae; nec minus, Turcæ, ex sua malitia, è male usi sunt, quam peccator occultus, ex sua malitia, male vtatur Eucharistiae ministratio: Nec minus Fideles captiui, iustum causam habebant illam pondendi, quam Parochus, Eucharistiae ministracionem; nec magis ipsi tenebantur impedire damnum Christianorum, quam Parochus sacrilegium, sive indignam sumptionem peccatoris occulti. Sicut ergo, Parochus, occulto peccatori Eucharistiam ministrando, non peccat, Ita non peccarunt Fideles captiui, remigando, & arma Turcis contra Christianos porrigenendo. Sicut enim, Eucharistiae ministratio non est mala prout procedit à Parocho, sed solum prout subest directioni peccatoris, qui è male vtitur; Ita remigatio, non est mala, quatenus procedit à Fidelibus captiuis, sed solum prout subest directioni Turcarum, qui ea usi sunt in damnum Christianorum.

Quartò; Quia potest quis, ex iusta¹⁵ causâ, licite petere mutuum ab Usurario, quamvis certò sciat, eum non daturum nisi cum usuris. Ergo etiam Fideles captiui, licite potuerunt, metu mortis, in Turcarum tremibus remigare, quamvis scirent, Turcas, illâ remigatione usurpos in damnum Christianorum; Sicut enim, in primo casu, tota malitia usuræ, est ex parte Usurarij, qui petitionem mutui, ex se indifferentem, determinat ad usuras; Ita, in secundo, tota malitia fuit ex parte Turcarum, qui remigationem, ex se, indifferentem, determinarunt ad damnum Christianorum.

OBIE-

OBJECTIONVM SOLVTIO.

NEq; obstant rationes in contrarium.
Nam ad primam respondeatur; Fideles captiuos, arma Turcis porrigo, Christianorum morti esse cooperatos, solum materialiter, & quasi permissive; in quo nullum fuit peccatum, cum ipsi, eorum mortem, cum tanto suo incommmodo, impedit non tenerentur.

17 Ad secundam respondeatur; remigationem, in illis circumstantijs consideratam, fuisse cooperationem solum materialem ad damnum Christianorum, quatenus à Turcis ad illud fuit determinata; sicut Eucharistie ministratio peccatori occulto, est cooperatio ad eius sacrilegium, solum materialis, quatenus ab ipso peccatore ad hoc determinatur. Cooperatio autem materialis, non est intrinsecè mala, sed ex iusta causà, licet, ut dictum est.

18 Ad tertiam respondeatur; cooperari malo formaliter, esse intrinsecè malum, sicut mentiri, vel fornicari; ideoque nunquam licere etiam ad vitæ conseruationem; Cooperari vero, solum materialiter, nullo modo esse intrinsecè malum, sed, ex iusta causà, esse licitum, cum etiam Deus, ut causa efficiens ad opus materiale peccati concurrat, sique illi materialiter cooperetur.

19 Ad quartam respondeatur similiter; Cooperationem formalem ad malum, opponi præcepto naturali negativo, sicut opponitur fornicatio, aut mendacium; Non vero cooperationem solum materialem. Fideles autem captivi, remigando cooperati sunt solum materialiter damno Christianorum, quod, ex iusta causà,

potest aliquando, non solum esse licitum, sed etiam debitum ex iustitia; Vxor enim, ex iustitia, debitum Viro petenti tenetur reddere, quamvis sciat, illum habere Votum castitatis, sive illicite petere, & consequenter, se eius sacrilegio materialiter cooperari.

Ad quintam respondeatur; Bombardæ explosionem, non esse actionem ex se indifferentem, quia aliquis bene, & male vti possit, sed esse, ex se, determinatam ad mortem Christianorum, & eorum occisionem; ideoque essentialiter esse cooperationem formalem, & intrinsecè malam, quæ, ex nullo mortis metu, potest esse licita; At remigatio, & armorum prorectio, cum sint, ex se, actiones indifferentes ad bonum vel malum usum, consequenter sunt cooperatio solum materialis ex Turcarum malitia; ideoque, prout processerunt à Fidelibus captiuis, potuerunt esse bona, ac licita.

COROLLARIA.

Colligitur ex dictis primò; non solum ²¹ prædictas actiones excusari à peccato; sed etiam, asportare necessaria ad bellum contra Christianos; admouere scalas, & machinas ad muros; Turcas humeris sustentare; iuare ad castra munienda; ad propugnacula ædificanda &c, neque solum, metum mortis propriæ, huiusmodi actiones à peccato excusare; sed etiam merum mortis comminatae Filii, Vxori, aut alijs consanguineis, immo etiam personæ arctissimæ amicitia conjunctæ; Quia talis metus, est cadens in

Vi.

- Virum constantem ; cum istorum mala, ratione consanguinitatis, vel amicitiae, meritò reputentur tanquam propria.
- 22 Secundò ; licitum esse, ad mortem euadendam, admonere scalam furari volenti, ensem vendere, vel commodare, alterum occidere volenti, cymba transuehere duellum committere volentes, aut alium interficere &c. quia omnes huiusmodi actiones, non sunt intrinsecè, & ex obiecto mala, sed indifferentes ; ideoque ab ijs non tenetur quis abstineret, cum vita periculo.
- 23 Tertiò : Dari aliqua, quæ quamvis præcepto naturali negatiuo sint prohibita, in necessitate tamen, ac vi, & periculo, sunt licita ; abscondere enim sibi manum, ad mortem evitandam, est licitum, sicut est etiam reuelare peccatum occultum, vel secretum alterius, vel probabili peccandi periculo se exponere ; vel ensem Domino furioso restituere ; Quia, cum haec ex obiecto, non sint mala, sed solum ex circumstantijs extrinsecis ; metu mortis, cohonestari possunt, & à peccato excusari.
- 24 Quartò : licitum esse Sacerdoti, metu mortis, Sacraenta confidere in materiâ, vel formâ dubiâ. V. G. Eucharistiam confidere cum pane ex spelta confecto ; quia licet, confidere, vel ministrare Sacraumentum cum materiâ, vel formâ du-
- bia si absolute consideretur, videatur malum ex obiecto, eo quod Sacraumentum, irritationis periculo exponatur ; supposita tamen circumstantia periculi mortis, definit esse malum, quia tunc, illi periculo non exponitur temere, sed ex causâ rationabili, quod non videtur illicitum ; sicut non esset illicitum, si mortis periculum immineret ei, qui suscepturus est Sacraumentum, ut omnes concedunt, neque enim peccaret quis, si moriturum, aquâ naturali deficiente, baptizaret aquâ ex sale resolutâ.
- Quinto : Si aliqui Ignem portarent, vt illum domui alicuius applicarent, & transiuntem cogerent, vt ipsos ad illum ignem deferendum iuuaret ; non solum non peccaturum hunc, deferendo ignem, sed neque illum domui applicando, ad mortem euadendam, dummodo tamen in ea non essent homines. Quia delatio ignis non est, ex obiecto, mala, sed indifferens ; & transiens, in eo casu, esset in extremâ necessitate illius domus, ad vitam propriam conseruandam ; Ergo, sicut licitum esset, eam sibi accipere, ita licet per ignis applicationem eam destruere. Si tamen in ea essent homines, non liceret ; Quia tunc ignis applicatio domui esset intrinsecè, & ex obiecto mala ; esset enim actio directe, ac per se illorum hominum innocentium imperfectiva,



R. P. Beati Lib. I.

G g

QVÆSTIO